



Broj: 05/2-11/3-2492/23

Velika Kladuša, 01.12.2023. godine

Na osnovu člana 70. i člana 69. Zakona o javnim nabavkama („Službeni glasnik BiH“, broj: 39/14 i 59/22), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu konkurentskog zahtjeva za nabavku pomoćne vatrogasne opreme za gašenje požara za potrebe Vatrogasne jedinice Općine Velika Kladuša, a po preporuci Komisije za javne nabavke, Općinski načelnik Općine Velika Kladuša, donio je

ODLUKU
o dodjeli ugovora

1. Prihvata se ponuda ponuđača **FireTrade d.o.o. Srebrenik, sa konačnom cijenom od 4.000,00 KM bez PDV-a**, dostavljena Ugovornom organu po JN broj: 299-7-1-31-3-31/23 od 26.10.2023. godine, te se Ugovor o javnoj nabavci pomoćne vatrogasne opreme za gašenje požara za potrebe Vatrogasne jedinice Općine Velika Kladuša, dodjeljuje imenovanom ponuđaču.
2. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora koji reguliše međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupke ugovaranja.
3. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14 i 59/22).

Obrazloženje

Na osnovu Posebne odluke o izmjeni Plana javnih nabavki Općine Velika Kladuša za 2023. godinu, broj: 05/2-11/3-796/23 od 25.04.2023. godine, pokretnut je dana 23.10.2023. godine postupak javne nabavke pomoćne vatrogasne opreme za gašenje požara za potrebe Vatrogasne jedinice Općine Velika Kladuša.

Javna nabavka provedena je putem konkurentskog zahtjeva za dostavljanje ponuda, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14 i 59/22) Obavještenje o javnoj nabavci broj: 299-7-1-31-3-31/23 objavljeno je na Portalu javnim nabavki (ejn.gov.ba), dana 26.10.2023. godine.

Krajnji rok za dostavljanje ponuda bio je 15.11.2023. godine do 12:00 sati, a javno otvaranje ponuda izvršeno je 15.11.2023. godine u 12:15 sati, što je konstatovano Zapisnikom sa otvaranja ponuda od 15.11.2023. godine. Procijenjena vrijednost nabavke iznosi 6.688,89 KM bez PDV-a..

Komisija za javne nabavke u Izvještaju o radu komisije za javne nabavke broj: 05/2/11-3-2492/23 od 15.11.2023. godine konstatovala je da je Tendersku dokumentaciju preuzelo 13 (trinaest) ponuđača, a da su nakon isteka krajnjeg roka za dostavljanje ponuda pristigle 2 (dvije) ponude i to:

1. FireTrade d.o.o. Srebrenik, sa ponuđenom cijenom od 6.658,14 KM bez uračunatog PDV-a i
2. Prox d.o.o., sa ponuđenom cijenom od 6.666,66 KM bez PDV-a.

Nakon izvršenog otvaranja ponude Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponude oba ponuđača ispunjavaju formalno-pravne i tehničke zahtjeve Ugovornog organa, te su kao takva prihvatljive i mogu biti predmet vrednovanja u sistemu e-aukcije.

E-aukcija zakazana je za 23.11.2023. godine. Nakon provedenog postupka e-aukcije 23.11.2023. godine započetog u 11:00 sati i završenog u 11:46 sati, te na osnovu Izveštaja o toku i završetku e-aukcije konačna rang lista ponuđača koji su učestvovali u e-aukciji je:

1. FireTrade d.o.o. Srebrenik, sa konačnom cijenom od 4.000,00 KM bez uračunatog PDV-a i
2. Prox d.o.o., sa konačnom cijenom od 4.193,00 KM bez PDV-a.

Shodno utvrđenoj rang listi ponuđača nakon provedene e-aukcije, Komisija za javne nabavke dala je Općinskom načelniku preporuku da donese Odluku o dodjeli ugovora ponuđaču FireTrade d.o.o. Srebrenik sa konačnom cijenom od 4.000,00 KM bez PDV-a, kao najpovoljnijem ponuđaču, odnosno da da saglasnost na Izvještaj radi provođenja daljnjih aktivnosti na realizaciji postupka nabavke u skladu sa odredbama Zakona i općih akata.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 (pet) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.



OPĆINSKI NAČELNIK
Fikret Abdić, dipl.ing.

DOSTAVITI:

1. Učesniku u postupku,
2. Služba za upravu, društvene djelatnosti i zajedničke poslove (web stranica),
3. U spis,
4. a/a.